

INUIT ATAQATIGIIT INATSISARTUNI



12. august 2026

UKA2026/300

Inatsisartut Suleriaasianni § 33 naapertorlugu aalajangiiffigisassatut siunnersuut imaattoq matumuuna saqqummiuppara:

Nunatsinni sikusiutinik umiarsuaqalernissaq siunertaralugu Naalakkersuisut dansk-it Naalakkersuisuinut saaffinginninnissaanik peqquneqarnissaannik Inatsisartunut aalajangiiffigisassatut siunnersuut.
(Inatsisartunut ilaasortaq Kristian Jeremiassen, Inuit Ataqatigiit)

Tunngavilersuut:

Nunarput sikunik aportaasinnaasunik soqanngilaq, dansk-it naaalangaaffiat aamma nunatsinni tamakkiisumik naatsorsuutingineqarsinnaasunik sikusiutinik soqanngilaq, tamanna allanngortariaqarpoq issittormiuuvungut sikusartumiippungut sikusiutinilli umiarsuarnik soqanngilaq, tamanna nunarsuatsinni ulluni makkunani pisuni aammalu ukiut kingulliit pisut aallaavigalugit Kalaallit Nunaat sikunik aportaasinnaasunik peqartariaqarpoq, tamannalu nunatta illersorneqarnissaanik pissuteqarpoq.

Ukiut kingulliit Danmark-ip nunasiaatingiunnaarmatingulli Danmark-mullu ilanngunneqarata nunatsinni innuttaasut aperineqannguaratik Danmark-ip nunatsinni ineriartortitsinerata annikinnerata takussutissariinnarpaa umiarsuarnik sikusiutinik immikkut ittunik soqannginnera, massakkulli pisariaqavissorput kingusinaareerpungut immikkut sikunik aportaasinnaasunik Dansk-it naaalangaaffiat sanatitsisariaqartoq.

Rusland-ip nukittuffingivaa sikusiutinik umiarsuaqarnertik, Rusland nunatsinnut nuna ulorianartuuvoq siuarsimaqaallu sikusiutinik umiarsuaqarnertik tamanna Nunatsinnut ulorianarlunnartuuvoq taamaammat immikkut sananeqarsimasunik nunatsinni sikusiutinik umiarsuarnik peqartariaqartoq Dansk-it Naalangaaffiata qulakkeertariaqarpaa illersornissaq akisussaaffingimmasuk.

Siunnersuut umiarsuarmik pilersitsinissamik massakkoqqissaaq siunertaqanngilaq, Naalakkersuisulli peqquneqassapput umiarsuarnik sikusiutinik peqalernissaanik Naalakkersuisut Dansk-it Naalakkersuisuinut saaffinginnissasut. Massakkut naammanginanngilaq nutaanik umiarsuarnik sorsuutinik ilapertuutingalungu sikusiutaasinnaasunik sanaartorniarneq, issittumiippungut immikkut sikusiutinik peqartariaqarpungut nunattami ilaa tinguarniarneqassangaluarpat umiarsuarnik sikusiutinik soqanngilangut tamanna Nunatta illersornissaanut naammanginanngilaq.

Illersornissamut tunngaannanngilaq umiarsuarnik sikusiutinik peqarnissaanik Naalakkersuisut dansk-it Naalakkersuisuinut saaffinginninnissamik siunnersuutip saqqummiunneqarnera, aamma innuttaasut toqqissisimanissaanik inoqarfiillu sikusartuniittut orninneqarsinnaanerat sillimaffingisariaqarpoq ukiuunerani kitaata sikorsui ajatsillaraangamik nukittoqaat taamaammat umiarsuit sikusiutit pisariaqarput nunaqarfinni illoqarfinni ukiuunerani ajutoortoqarpat tikikkasuarsinnaasut pisariaqartippangut.

Assersuusiulaarta: Uummannami elværk-i ukiuunerani sikuusooq ikuallassimangaluarpat kitaatalu sikorsui ajatsineraniillutik sulii ajornerusumik pisoqarsinnaavoq umiarsuarmik tikittoqarsinnaajunnaassammat taamaammat pisariaqarpoq umiarsuarnik sikusiutiniq peqarnissaa, sikusiutitut sanaanik immikkut sanaanik peqartariaqarpoq issittumiippungut issittorlu maannakkut annertuumik eqqartorneqarpoq, Rusland-ip saassuppatingut ukiuunerani sikusiussuatik atorlugit qeqqiinnartussaavungut soriarsinnaanata umiarsuarnik sikusiutiniq inerisaasoqartariaqarpoq.

Taamatut siunnersuummik saqqummiussillunga neriuppunga Inatsisartuni siunnerfilimmik oqallinneq ingerlanneqarumaartoq.

Pisortanut aningaasatigut allaffissornikkullu kingunerisassai:

Siunnersuut nammineerluni Kalaallit Nunaanni Namminersorlutik Oqartussanut annertuunik aningaasaqarnikkut allaffissornikkullu kinguneqarnissaa naatsorsuutigineqanngilaq, tassami siunnersuutip Naalakkersuisut Danmarkimi Naalakkersuisunut Nunatsinni sikusiutiniq umiarsuaqalernmissaq pillugu saaffiginninnissaannik peqqussammagit. Allaffissornikkut aningaasartuutit aningaasaliissutaareersut iluanni akilerneqarsinnaasutut nalilerneqarput.

Saaffiginninneq aalajangersimasunik isumaqatiginninniarnernik imaluunniit sikusiutiniq umiarsuarnik pisinnermut, ingerlatsinnermut aningaasalersuinnermulluunniit isumaqatigiissutiniq kinguneqarpat, aningaasaqarnikkut allaffissornikkullu kingunerisassat kingusinnerusukkut erseqqinnerusumik nassuiarneqassapput aammalu aalajangiisoqarnissaa sioqqullugu Inatsisartut saqqummiunneqassallutik.

Namminersortunut aningaasaatigut allaffissornikkullu kingunerisassai:

Siunnersuut inuussutissarsiortunut toqqaannartumik aningaasaqarnikkut allaffissornikkulluunniit kinguneqarnissaa naatsorsuutigineqanngilaq. **Innuttaasunut aningaasatigut allaffissornikkullu kingunerisassai:**

Siunnersuut innuttaasunut toqqaannartumik aningaasaqarnikkut allaffissornikkulluunniit kinguneqarnissaa naatsorsuutigineqanngilaq.